

國
朝
詞
綜
補

國朝詞綜補卷三十四

無錫丁紹儀杏舫輯

趙允懷 一首

方秉 一首

吳贊 七首
補詞

項名達 二首
補詞

陳其銀 四首

顧夔 二首

何渭珍 一首

朱有源 一首
補詞

潘德興 五首

吳葆晉 一首

胡元博 二首

龔鞏祚 八首
補詞

馬沅 一首

李壘 一首

嚴保庸 三首
補詞

黃鈺 一首

張湄 六首

叢占鰲 一首

顧翊 五首

顧蕙生 二首

趙允懷

字間卿號吟菴常熟人道光五年舉人

高陽臺

絮弱魂扶花飛淚釀春陰替了春晴彈指流光匆匆又
過清明天涯何苦生芳草但登樓極目傷情燕空尋舊
日人家門戶都更笑桃前事休重省只東風纔到便
有鶯聲如畫樓臺夕陽紅映簾旌今生已是難相見甚
當初苦約前生記琴心詩句無題題滿銀屏

方

秉

字月槎桐城人道光五年舉人官衢州同知

金縷曲 題葉小庚司馬詞

樂府翻新拍費才人尋聲選韻幾拋心力願曲由來知音少唱遍曉風殘月應不讓屯田柳七譜入紅腔成絕調又何須別派論南北刪綺語證仙骨蓬瀛回首層雲隔儘無端雙鳬飛落塵寰小謫狔鳥獐花添詩料付與奚囊收拾儘贏得清呼一葉鏡水而今歸行部領湖山好待追蘇白名刺史舊詞客

吳

贊

原名廷鈐字偉卿常熟人道光六年進士官刑部員外郎有塔影樓詞

鬲溪梅令

蝴蝶

腰支一捻儘盈盈關身輕只惜尋芳較晚負多情梅花

開後生 誰將小扇撲閒庭恨飄零恰似風中弱絮不
曾停孤飛魂屢驚

山花子

寂寞東籬菊已殘夫容獨自倚江干紅樹斜陽無限好
當花看 錦帳眠雲嫌被重珠簾立月怯衣單天氣兩
般渾不定暖還寒

浣溪紗

睡起笙歌隔院聞眠蠶時候掩重門每思前度暗銷魂
桐葉無情空滴雨楊花和淚也傷春子規啼罷又黃
昏

長亭怨殘菊

又簾外瀟瀟風雨瘦損而今玉人何處纔過重陽怪他
天氣冷如許傷春未了怎秋也隨春去縱滿地金英那
買得秋光長住 愁苦聽黃昏牆角唧唧蟲聲低訴傲
霜情性卻羞見南山紅樹只一片寒影枝頭終不似落
花無主且把酒東籬更醉斜陽幾度

虞美人

難將幽恨從頭說只悔輕離別斷腸時候夕陽斜剛又
牆陰開到海棠花 瑣窗倦繡黃昏後曾數歸期否月
華縱好莫憑闌陣陣西風吹袂不勝寒

高陽臺

楊花

暖雪烘晴香雲冪雨未飛已自難禁漫逐東風天邊消息沈沈珠簾十里都高卷倚闌干愁煞春深最堪憐低共遊絲暗裊牆陰玉人應省飄零恨怎輕幡繡就莫護煙林一樣韶華羣芳誰結同心算他命比桃花薄儘風流不上瑤簪卻無端賺得兒童飛去還尋

齊天樂

落葉

寒枝未別聲先急蕭蕭助人淒楚帶月敲窗和煙擁砌一夜秋痕如許飛花幾度只畧似花紅也招風妬百折愁腸纔看貼地又迴舞空庭飄灑無數莫呼童掃卻

留待聽雨低觀苔紋細
縈蝸篆錯認玉人題句
家山舊路記響踏斜陽
白雲深處同是天涯總
難忘故樹

項名達

字梅侶錢塘人道光六年進士官學正

虞美人

花朝日征途遇雨

寒更攪碎燈前夢
征轡和愁共打蓬
疏雨正瀟瀟不信
百花生日是今朝
年年塵海春無色
負了花時節鄉
心如箭促歸來不道故園
越近越難挨

疎影

題歌樓聽雨圖

歌雲凝碧化清寒
陣陣吹送簾隙和著檐鈴乍疾還徐
付與小紅低拍多情唱到聲聲慢
恐怨入梧桐蕭瑟最

關心溼了櫻桃一點絳脣留得 我亦愛翻新曲翦燈
人不寐同此遙夕夢斷銀屏燕怯鶯淒孤負杏花時節
情禪參透渾閒事更莫間碎絲零笛卻讓他紅豆詞人
領略年年寒食

陳其鋹

字吾山番禺人道光六年進士官禮部主事有月波樓詞

瑣窗寒

題金冬心蕉林清暑圖兼送簡夢巖孝廉南歸

一葉疑秋三竿過日高齋忘暑生綃半幅寫出綠天深
處補修篁十枝五枝打窗似作瀟瀟雨正桃笙微潤簾
冠斜倚嫩涼如許 延伫槐黃路怎鹿夢初醒蠹簡重
注寸心展轉怕檢舊題詩句溯江鄉花田荔灣柳波艇

子留人住莫遲回招箇烟撈好送君歸去

齊天樂

吳門春感

驚塵十里吹香霧吳娘盡撈客與大白能浮小紅解唱
消得歌衫吟紉英儔俊侶聽幾度銀簫幾聲金縷最惜
匆匆柳絲難挽夕陽駐燒燈期又近也冶遊能幾日
愁黯風雨蕭寺烟鐘宮斜露草慣惹傷春情緒韶華似
羽怕燕子催來杜鵑催去酒醒江寒斷魂潮咽語

綺羅香

浹旬苦雨春事闌珊渺渺予懷寄音短竹

潤到鶯簾涼生鴛鴦人在小樓深處窗外芭蕉滴碎愁
心幾許看流盡新綠無多更吹得落紅無主一聲聲惱

亂吟魂杜鵑枝上淚如注
西園曾約載酒惆悵踏青
過了芳期都誤門掩梨雲入夜此情尤苦那堪是幾點
空街帶幾點斷鐘零鼓擁寒衾夢也難憑翦燈聽雁語
金縷曲 葉小鸞眉子硯

玉碎烟沈矣甚三生精魂一片石猶如此樣仿春山憐
許瘦隱約眉痕寫翠拈秀句親題珠字寒食鶯花消幾
度閒蟾蜍但有盈盈淚腸斷也露桃底 疎香畫閣琴
簾裏想年時茜窗幽靚慣調螺子夢覺遊仙人去遠修
到飛瓊第幾只弦月初三猶記鸚鵡雙雙曾照影怕墨
波清淺愁難洗兒女恨忍提起

顧

夔

字卿裳江蘇華亭人道光六年進士官知縣

金縷曲

贈姚椿木建木昆仲次辛稼軒韻

餅餌香飄野儘吾儕不衫不履踞長松下難得君家兄
弟好不似終南待嫁描一幅連牀新畫只我池塘雙夢
杳草青青但賸銜枚馬叔與季互心寫近來樂事留
春社有官錢輸宜早早一身輕也縛箇茅亭雲水際那
要重樓複榭祇風月常留深夜三五酒徒偕嘯傲笑人
閒何物功名者餘一枕夢虞夏

滿江紅

葉桐君繪茸城漁唱圖倚此調索和輒爲繼聲

嬾挂蒲帆且放棹溪山側近早占取苔磯臨水十分安

穩雨笠遮將天地小烟蓑耐得風霜緊守家風漁弟共
漁兄通芳訊蓮唱晚愁紅粉詩思遠搔青鬢又木樨
開了菊花期準索笑忽如佳麗對拈闌愛賭尖叉韻問
先生重理釣絲無留微哂

何渭珍

字璜溪師宗人道光八年舉人官漢中知府

蝶戀花

山坡驛舍讀丁杏舫聞雁有懷詞時值初冬雁聲杳至不能無感率爾繼聲

千里瀟湘雲樹暮殘角聲中陣陣哀鴻度舊侶相逢應
共語天涯誰念銜蘆苦何事秋來春便去浩浩江湖
不少堪棲處卻憶三春芳草渡安眠輸與閒鷗鷺

朱有源

字月槎海鹽人道光八年舉人

揚州慢

揚州懷古

衰柳淒迷暮煙零亂夕陽還戀蕪城問鶯花舊事有水
影簫聲賸點點流螢似火六朝餘燄同此飄零算二分
明月一分應付殘星 扁舟夜泊望迷樓紅隱疎鐙縱
瘦蜨傳神寒蛩弔影難寫幽情隱約玉鉤斜畔香魂杳
豔塚留青歎長隄誰照橋邊秋影分明

潘德輿

字彥輔山陽人道光八年舉人有養一齋詞

浣溪紗

秦淮歸舟

漠漠輕陰傍小樓斜風細雨掉歸舟畫闌空漾玉簾鉤
一抹晚山橫遠黛半江煙雨挂離愁最難忘是秣陵

秋

眼兒媚 維揚舟次次董蒼水韻

繁華今古說揚州。浪跡怕重遊。斜陽剛在畫船水面紅。
袖樓頭。綠楊蕭瑟。西風緊併做十分秋。遙山幾點江
潮幾曲都向人愁。

桃源憶故人 寄友

春風已到江南岸。人隔黃河天遠。想見月明深院。鎮竹
扉孤掩。鐙殘筆凍離腸亂。無那年光將換。正是意長
箋短。過幾聲歸雁。

齊天樂 道旁老樹

此材拋擲風塵裏淒涼尙搯殘照葉去隨流根深罕地
休問歲華多少冰霜受飽儘紫萬紅千春花不到生意
婆娑綠陰誰記昔年好紛紛車馬似蟻嘆蒼然古色
彌我襟抱瘦骨禁寒堅心耐久知甚浮花浪草森森官
道只餘蔭還留餘情未了何似空山白雲深處老

水龍吟 祁門秋夜聞笛

一聲雲杪飛來闌干雖近關山遠酒邊今夕可憐千里
月華如練借問西風數行衰柳幾多哀怨況鄰家真有
山陽僊客悲涼曲休吹徧佳句倚樓獨擅算鄉心一
般撩亂年時也愛畫船三弄枚皋宅畔何苦天涯銷魂

長似離亭春晚早歸騎牛背閒吹野外做疎鐘伴

吳葆晉

字紅生光州人道光九年進士官江蘇淮海道城陷殉難

高陽臺

潘君紱庭以典籍廳黃蓼花寄乃兄功甫植之家園賦詞索和卽次其韻

翦翠莖疎綴金穗短一枝颺向涼天歸去王孫問花可

似當年月中寫出昏黃影更添些清露珠圓最難傳鳴

雁離離遠道綿綿春來各有池塘夢暗魂消爪雪紅

藥階前聽雨心情半庭涼影誰憐西風一種閒花草卻

無端染徧鑪煙覓歸船載得芳叢穩抱鷗眠

余家固始之古蓼

伯兄亦官中書

滿庭芳

題月亭和尙畫蘭遺墨

一徑幽篁幾叢芳蕙妙香吹遍人天零綃黯墨誰證畫

中禪龍樹杈枒未老深深護四壁雲煙危樓在江山晚

翠飛繞舊蒲團

月亭居城南龍樹院對西山建小閣

無端增悵望花流

退筆塚草秋寒問遠公意態可似張顛

兩禪師俱工畫

來去龕

邊燕子斜陽外小嶼流連比鄰久重題故紙香火話因

緣

小素駐錫觀音院余居相距數武竟未因之乞畫

胡元博

字筱初臨桂人道光九年進士官浙江候補道杭州陷殉難

洞仙歌

倣竹垞作

湘簾翠地鎮閒庭幽靜朝日瞳矓度花影悄偷開青瑣
輕掩紅綃春睡覺曉夢是誰驚醒
妝臺剛倚處短榻

移來安置懷中坐偏近含笑執鸞篋未理雲鬟親束髮
替儂先整算只是難將鏡鸞瞞恰帽影釵光一時都映

摸魚兒

隨園感舊

斂山眉一痕斜照蕭蕭紅如楓柏西風小曳鷗波冷禁
得鬢絲吹瘦招素友便軟踏棕鞋選勝聯詩袖蓼花汀
口認水瑟琉璃天低菡萏清景肯孤負園林好指點
雙湖依舊憑闌幾度回首秋心暗逐溪煙裊省識吟魂
孤否休憊憊算臨水登山此恨年年有莓苔坐久暮菰
黑沈雲柳黃攪暝涼意畫難就

龔肇祚

原名自珍字璠人仁和人道光九年進士官禮部主事有定盦詞

蝶戀花

過人家廢園作

漠漠春燕春不住
藤刺牽衣礙卻行人路
偏是無情偏解舞
濛濛撲面皆飛絮
繡院深沈誰是主
一朵孤花
牆角明如許
莫怨無人來折取
花開不合陽春暮

百字令

壬申夏泛舟西湖述懷有賦

天風吹我墮湖山
一角果然清麗
曾是東華生小客
回首蒼茫無際
屠狗功名雕龍文卷
豈是平生意
鄉親蘓小定
應笑我非計
才見一抹斜陽
半堤香草
頓惹清愁起
羅襪音塵何處覓
渺渺予懷孤寄
怨去吹簫狂來說劍
兩樣消魂味
兩般春夢
櫓聲盪入雲水

菩薩蠻

吳綿一幅單鴛被沈沈和霧和香睡花氣溼銀屏紅窗
斜月明 玉闌干畔路曉夢無尋處夢醒轉沈吟花寒
恐不禁

虞美人

紗窗暝色低迷綠猶未傳銀燭春寒瑟瑟晚來添玉釧
微聞應是換吳綿 金鑪香篆悵悵墮新月窺人坐湘
簾放下悄含顰生怕梨花和月射啼痕

南歌子

香霧漫空溼珠簾窳地橫雲圍月擁見卿卿受盡輕憐

痛惜不分明、紅淚彈前恨。心香警舊盟。瑤華密帳絮。
三生惘悵。五更風急斷魂驚。

高陽臺

宮燭淒煙庭梅。嬾月揚州。曾記元宵幾度相逢。雲萍依舊飄蕭謝娘風。格清寒甚。捧紅絲、勸寫無聊。儘孤他明月樓臺。夜夜吹簫。明知相約非相誤。奈鶯期不定。鸞鏡終拋。萬一重逢。墨痕留認。鰕綃青衫不漬清樽影。只模糊紅淚難銷。且禁他今夜江風。明夜江湖。

南浦

端陽前一日汪伯恬填詞題驛壁上凄婉欲絕余亦繼聲

羌笛落梅天。辦香羈雨。兩愁人歸去。連夜夢魂飛飛不

到天塹東頭煙樹空郵古戍一燈敗壁燼詩句不信黃
塵消不盡滴粉搓脂情緒登車切莫回頭怕回頭還
見高城尺五城裏正端陽香車過多少青紅兒女吟情
太苦歸來未算年華誤一劍還君君莫問換了江關詞
賦

摸魚兒

題顧樹蕋桃葉歸舟圖時壬午閏春也

又漫天飛花飛絮一番春事無據朝朝送客長亭畔身
似盧溝柳樹歸計阻但打疊吟魂飛過黃河去輸君容
與者雙鬢吹笙雙聲問字雙槳夜呼渡他生約亦在
五湖煙雨箇牀歌板何處才人病後風情死負了莫釐

龍女還肯否重整頓清狂也未年華暮幽懷漫訴要瀾
荇煩他艤舫待我商略買山句

馬

沅字湘帆上元人道光九年進士官郎中

高陽臺

潘紱庭得黃蓼花於內閣典籍廳寄乃兄功甫舍人移植吳下鳳池園次韻奉和

滿地江湖高秋風露幾枝搖落魚天誰當花看脂痕褪
盡年年絲綸閣下秋仍瘦浣紅塵金粟纔圓認吟邊舊
倡蘆汀萬緒飛綿家林自有池棲鳳恰疏蕩乞取種
藥堦前冷到幽芳有人茅店曾憐黃花晚節知相似儘
平分淡月寒煙傍清漣一抹斜陽閒共鷗眠

李

壘

字畏嵐金鄉人道光九年進士官湖北知縣

金縷曲

贈戴石坪

漫灑窮途淚，念人生才能妨命古今一例。卻怪吟窗拈
鏤管，抹月批風無已似。竿木隨身，遊戲眼底，煙雲揮未
盡。又引商刻羽，琤琮起新舊，恨儘排比。薄田百畝，今
餘幾，且向那村邊種菜。城隅牧豕，老屋三間，無恙在風
雨。聊堪自蔽，好細把殘編料理，但得聲名傳不朽。算悠
悠此外，何須計，誰省識箇中意。

嚴保庸

字問樵，丹徒人。道光九
年進士官，棲霞知縣。

浪淘沙

花月塵輕舟，滿載風流。勸卿此處且勾留。行過松陵三

十里不是蘓州 越客解溫柔多少青樓西湖風景又
今秋爲訪錢塘蘓小小一奠荒邱

洞仙歌

秋日同孫月坡游九蓮寺訪溫平南祠墓歸途倚此

尋秋何處有疎鐘相引幾樹垂楊盪烟影悵輕舟一葉
日炙風吹全不似紅板橋頭秋興 僧廬聊散步粥鼓
聲中間訥荒祠溯東晉慷慨誓長江卻敵功成已孤負
當年玉鏡況我輩萍踪最堪憐問爲底勾留歸期難定

探春慢

游徐氏壺園登臺憑眺極爲曠遠園中蓄一孔雀問其雌於去冬亡矣爲之悵然

蝶夢難尋鶴巢猶在莫問主人前度

園爲徐廉峰侍御所居道光庚辛閒

同人結社都中廉峰清癯如鶴戲名所居曰鶴巢曾蓄羅浮蝶蘭數枝嘗以命題故云

園小於壺

臺平似席極目不分吳楚一片煙波影問何處是僂歸
路便教遠望當歸也隔著西山雲樹又早夕陽催暮
向曲徑疏籬暫時延佇有箇禽自憐幽獨忍聽人誇
毛羽縱荷金籠寵那及得雙棲畫浦道是閒游怎惹閒
愁如許

黃

鈺

字秋舫山陽人
道光初舉人

金縷曲

鶯地相逢驟劇堪憐梨渦暈淺柳枝腰瘦恰好芳齡才
二八情態乍諳時候更倦似慙慙殢酒星眼欲飛眉欲
語問三生福分何人厚才與貌信居首半酣小立銀

燈後最消魂歌喉宛轉暗拋紅豆月更分明人更媚翠
黛幾回頻皺恐薄倖不堪消受典盡征裘花裏醉愛酒
痕紅映芙蓉袖擎玉尊倩纖手

張

湄

字春檉汝縣人道光初舉人
官江西同知有蝶花樓詞

鷓鴣天

明月曾看幾度圓客中容易送流年來當一葉西風候
歸是重裘小雪天將伐鼓又停船封姨留我暫俄延
今宵如入香闥夢說與篷窗尚未眠

浣溪紗

握手頻憐翠袖寒燈前絮語太纏綿繫人心處一分愁

倦態不嫌雲鬢亂愁痕偏愛月眉齋送行莫忘是初

三

采桑子

秋夜

沈寥天氣初涼夜簾外風清砌下蟲鳴隔院誰家搗練
聲無眠人易增惻悵聽到殘更觸撥閒情爭奈紋窗
不肯明

祝英臺近

月朦朧人寂靜曾記繡簾揭小閣熏香低把舊情說可
憐歡會無多落花飛絮又過了清明時節愁千疊對
此旖旎韶華孤衾夢猶劣醒後思量願化漆園蝶有時

再近雲鬟迷香醉粉好重訴者番離別

唐多令

悼亡

錦瑟感華年涼宵思悄然最傷心落葉哀蟬賸有舊時
團扇在人不如月常圓 裙蝶已成烟羅幃怯獨眠把
齊紈燈下重看彷彿清風生袖底香淡淡影珊珊

金縷曲

送家南山歸嶺南

聞道君行矣整輕裝扁舟南去片帆遙駛宦興不如歸
興好今日初衣方遂也不爲荔支味美難忘

去聲

故山松

與菊把等身箸作閒料理梅嶺過色先喜 舊交惜別

情無已更何時西江重到東山再起莫戀林泉吟嘯樂

一笑目無餘子問名士於今有幾回首匡廬雲萬壑續

前遊合補遊山記凝望處隔秋水

叢占鰲

字藻石朝陽人道光初舉人官江西知府

虞美人

題俞芝田藝雲詞

何年腸浣西江水出語天然麗心花併作筆花開不異

華嚴彈指現樓臺

情絲宛轉空中結此意伊誰識教

人擊節黯魂銷幾許淚痕流夢送輕橈

淚痕流夢集中句也

顧

翊

字蘭厓無錫人貢生官昭文訓導有金粟庵詞

虞美人

周笛生刺史春風按曲圖

新詞那得紅紅譜枉自耽吟苦酒邊殘墨滿江湖也有

雙鬟低唱幾聲無
羨君官閣教蠶素不負周郎顧香
喉不是不能圓一點春愁咽入玉簫寒

高陽臺

同蔡塘兄竹畦弟芙蓉湖秋泛

柳老絲煙蓮凋粉水短篷暇日尋幽月小於眉斜天挂
一分秋鴛鴦生在秋風裏便雙飛也自工愁怕催將雪
樣蘆花點上人頭悲秋不在因風雨在曉寒孤枕暝
色高樓遠夢無憑墜歡空逐浮漚故鄉猶自嗟搖落念
天涯多少淹留太無聊心事難圓只似簾鉤

渡江雲

帆影

孤雲飛片片蕭疏澹墨寫恨滿天涯向江樓吹到遠夢

隨風今夜落誰家
洞庭秋老颭空際
翠涇還斜看只共
夕陽來去遠樹幾分遮
程賒寒鴉數翼孤鴻一點怕
客心縈惹儘飄盡如塵暝色似水年華
湖天隱約和煙卸黯離魂吹墮蘋花
愛伴我歸來萬里仙槎

水龍吟

陂聲

漠漠桃葉空江幾聲遠雁來何許孤篷出葦挈音乍送
欲疏還聚併作荒寒半縈漁笛半沈津鼓和吳孃怨曲
飄來淒咽似漂泊羈魂語何限關河情緒徧天涯此
聲最苦宵長夢短惺忪猶認紅閨機杼倦客年年愁風
愁水那禁聽汝記瀟湘春晚中流欸乃寫蘋洲譜

又落葉

世間一樣飄零無情猶作迴風舞閒門不掃空堦欲沒
瀟瀟似雨楓外江寒蘆邊霜早雁歸何處悵疏林易別
故枝難戀便渺渺天涯去回首荒庵落木間年來有
誰能住夕陽染後三分在水一分在樹莫怨秋聲那知
秋到無聲更苦待消他幾疊琴絲宛轉寫哀蟬譜

顧蕙生

字竹畦無錫人監生

虞美人

旅夜

孤檠焰短西風勁約略三更盡笙歌吹得夢零星隔院
誰家歡讌未曾停年年人爲悲秋瘦况復嚴寒候城

鳥啼下滿簾霜今夜漏聲偏比客愁長

南鄉子

題畫

聳嶂聳危屏屏外烟螺點點青誰向懸崖攜杖聽泉聲
曲折寒流繞澗鳴此景憶曾經苦被鞭絲促去程但
許山椒添縛箇茅亭便擬移家老此生

國朝詞綜補卷三十五

無錫丁紹儀杏舫輯

安慶源

一首

馬洵

補一首

陳裴之

三首

蔡成輅

一首

嚴達

一首

嚴适

一首

黃子高

一首

江沅

補四首

汪弑

一首

程梓誥

補三首

戈載

補十首

汪秉健

補一首

朱紫貴

補四首

何其章

補二首

吳錦

一首

韋光徽

一首

張泰初 三首

沈宗約 一首

吳 棫 二首

鄭 梁 一首

汪奏雲 一首
補詞

梁 梅 一首

潘 諮 三首

汪鎮光 一首

金登瀛 一首
補詞

曹 炳 一首

徐鳳采 一首

徐尙之 一首

金旺華 一首

姚齊宋 二首

艾慶源 字積堂仁和人
官沂州經歷

菩薩蠻 題湯雨生畫梅樓圖

層樓小小初融雪芳姿寫上苔
幾潔玉削兩枝連宛然

人比肩 攢成多少蕊尙覺香黏指瘦影復如何窺簾
有素娥

馬

洵

字伯泉號小眉海甯人
官候選道有瓶隱詞

摸魚兒

盪湖船

問生涯浮家安穩山塘七里洄溯從來未識江湖險休
說嚴灘黃浦頻喚渡莫不載郎愁只載郎歡聚消磨何
處認綠水橋邊冶芳浜口似織競柔艫 波光好鐙火
千船簫鼓驪珠蕩漾無數舵樓人隔紗窗外斜倚更添
眉嫵朝復暮恁酒地花天占得春如許更闌欲去記鬢
影尊前粉香扇底多少醉心語

陳裴之

字小雲錢塘人官雲南通判

蝶戀花

汪君紫珊出所眷女郎王翹雲舌血所染素巾索題為賦其事

雪樣冰綃猩點血肯為檀奴悄嚙蓮花舌忍痛可知全
不惜教郎看取心頭熱 妒煞汪倫消受得吐自丹脣
豔奪顰脂色代繫羅襟私贈別勝人珠淚千千滴

玲瓏玉

雪中同徐玉臺戈寶士集鷗隱園踐蘭盟也

迎得春來忍今夜便送春歸留春且住倩他翠幙低垂
可耐迴風舞雪訝庭梅未吐先見花飛將離愁重逢還
聽子規 靜對明明畫燭數沈沈更鼓無計留伊暗握
春纖近黃昏苦勸添衣何時香深寒淺博真箇蘭篝月

暖絳蠟煙低且沈醉趁城烏林外未棲

齊天樂

二分小別揚州月金陵又聽疏雨紗帽彈棋羅囊賭酒
消得幾番歌舞秋心最苦况絳蠟啼殘照人淒楚夢遠
紅樓遠山何日送歸櫓瓊簫偶然閒倚有烏絲鳳紙
許按新譜十載飄零三生惆悵重倩玉筯低訴江湖俊
侶試畫向旗亭更添琴趣昨夜姮娥悄從簾外覷

蔡成輅

字曼綬吳縣人
官成都縣丞

渡江雲

東南佳麗地臨春結綺一半已模糊秋心誰引起拋下

絲竿飄泊向江湖紅牙拍斷儘年年滴粉搓酥憑誰挽
穠華似錦香夢繞蘅蕪愁余離懷渺渺芳訊匆匆更
寄愁何處空賺得沈腰瘦損潘鬢蕭疎此生已分天涯
老盼春風環珮重圖圖縱好飛蟬篋底存無

嚴

達

字子通仁和人諸
生官刑部郎中

鳳凰臺上憶吹簫

題姚棲霞女士剪愁吟

線壓愁絲花憐病骨蠻箋細寫麋丸正剪刀聲裏瘦句
吟安試覓柔情芳韻分明是空谷幽蘭誰知道牽蘿屋
小倚竹天寒 叢殘留傳一卷幸不共綵雲吹散人閒
悵白頭製序字字辛酸轉恨天公多事生無謂死又無

端愁重讀兩行淚流燭也闌干

嚴

适

字子容仁和人
官同知早卒

鵲橋仙

困人天氣瘦人時節廿四番風都換癡心欲倩小東風
留住了桃花人面花朝過了清明過了一種閒情難
遣簾波窄地沒人來怕不是斷腸庭院

沁園春

枕

周正吳綾整整斜斜橫陳帳中記翠翹墮後釵聲未覺
髻雲堆滿香氣猶濃不似琴張還同書卷雙頸交時儘
可容遊仙好被黃鸝喚醒直恁匆匆曹騰嬌困偏慵

卻印取腮邊縷縷紅憶繡成一幅殘絨初翦夢回千里
淚雨常烘簾滑頻移漏長獨擁車走雷聲語未通敲斜
處算不如郎臂轉側隨儂

黃子高

字石溪番禺人貢生
有知稼軒詩附詞

柳梢青

九十韶光匆匆過半久雨初晴百草抽芽垂楊孕絮幾
處春耕 撩人飛燕流鶯最巨耐啼鵲數聲纔過花朝
剛剛寒食又是清明

江沅

字鐵君吳縣人諸生
有算沙室詩鈔附詞

浣溪紗

不信桃源有路通
盈盈花落一溪紅
十分惆悵是東風
病逐愁來緣易了
人隨春去夢難逢
當時只爲太匆
匆

齊天樂

秋柳

送君情盡橋邊路
長亭短亭流水雁叫西風
煙橫落照
都是離人滋味
征帆未起便折向尊前
灑殘紅淚一片
蒼涼雨聲都在酒旗裏
青驄慣曾繫爾
算章臺往日
和恨偷寄瘦入羅衣
愁生古鏡
賺得青春餘幾
歸期暗指
歎搖落江潭樹
猶如此
况是陽關故人千萬里

高陽臺

韶景將闌賦此寄感

早色侵衣嫩陰閣雨桐華乍覺春寒回首池塘渾忘舊
日闌干深深隔斷誰家院不分明半下湘簾最無端短
夢初醒自怯風酸 新來懺盡相思句任江南春色吹
上眉彎那更殘紅沾他幾縷愁烟花閒一晌聽啼鴂甚
今朝略放春閒小橋邊近水樓臺天際春山

摸魚兒

望蓬萊渺然天際蹋翻鼇背初上草香風暖春爲國一
襲萬花齊放閒記想又還是當年夢做神仙長丁甯盡
舫向織女機邊紅梁宛宛三月打春槳 天台路十里
朱闌無恙春人偏作春響蘼蕪綠徧天涯路何處桃花

紅浪添惆悵見說道三春要算東風帳憑伊更訪待玉
洞生煙瓊簫遠遠吹月起春漲

汪

鉞

字劒秋仁
和人諧生

漢宮春

趙德伃玉印傳係飛燕所遺

幾度摩挲是遠條館裏舊斷于闐飛鳴巧摹字勢恍覩
翩翩人如玉潤更而今玉爲人憐知女弟昭陽並列芝
泥分押紅鮮玉質晶瑩依舊歎柔鄉禍水劫火難然
當時兆祥替月別鑄螭盤塵封鳥篆歷滄桑閱盡千年
渾不似招靈館名釵股化爲白燕升天

程梓誥

字瑤波昭文人
諸生有鑄夢詞

夢橫塘

水分鷗宅雲割魚庵軟塵衫影難浣浪跡飄蓬又早是
花飛春晚劍外龍吟鏡邊雞舞壯心成倦只那時那處
未了相思藤蕪巷櫻桃館筠闌悄凭輕寒盼斜陽一
角天遠人遠風絮多情遞淚點單衣吹滿算幾度花辰
嬾約孤負空簷子規喚乞研牋愁燒燈錄夢漸鬢毛憐
短

長亭怨

虛窗蕭颯墜葉作響頓觸余搖落之感因
度白石此調曼聲甫闕而暗颺又拂林矣

問何處霜彫乾翠攪和簷鈴打窗聲脆瘦減秋容冷紅
難戀夕陽醉畫樓無分曾不及飛花隊歷亂舞山香驀

滿地蟾陰穿碎 顚顚正蕭蕭瑟瑟獨客暗拋清淚宮
簾路隔溯昔夢已隨流水乍踏盡古驛輪蹄又聽徧空
江篷背怕此際天涯攬入別魂飛墜

齊天樂

晚過華蕩東落日癡篷波光盡秋兩岸青
蘆作花涼雪墜水彌望皆秋意矣

紅闌斜放鳥篷過圓紋蕩搖奩鏡宿岸涼雲烘汀夕照
交弄波閒秋影西風薦冷有葭雪先饒落花幽恨瘦到
林腰斷青疏碧怯霜信 衫塵全付淚浣歲華地逝水
孤負雙鬢藕國尋紅蕖鄉采綠濃福料難消領長年短
綆歎夢老江湖不如鷗穩已碎秋心擣砧聲又聽

戈

載

字順卿號寶士吳縣人諸生官
國子監典簿有翠薇花館詞

清平樂

梨花庭院攪入楊花亂春晝漸長春漸短瘦卻東風
半數殘廿四番風階前怨碧愁紅最是多情蝴蝶雙
飛猶繞花叢

木蘭花慢

吳伊人北游久矣歸期未卜別緒轉增譜此寄之

問京華夢醒甚萍跡尙遲淹記紅雨西園綠波南浦送
去征帆江潭舊栽細柳歎飄零多少別愁添彈徧素琴
哀曲軟塵飛滿青衫 三三故徑試重探松菊未全芟
只盟鷗冷落啼鴉淒切雛燕呢喃郵籤寄來數字奈相
思寫不盡瑤緘何日棗花香裏歸程料理江南

摸魚兒

秋海棠和彭丈甘亭

一叢叢牆陰曲處。胭脂勻染。霞綺嬌姿。不藉春陰護。別有冷雲搖曳。偏旖旎。把縷縷柔絲繫住。秋魂細。殘蛩韻裏。看粉影。偎煙檀心含露。低繞碧苔砌。湘簾捲。一種淒涼情味。有人妝罷。凝睇錦屏。夢醒斜陽外。幽怨無端。飛起紅到地。算斷盡愁腸。依舊愁如此。重門靜閉。只夜雨零星。曉風狼籍。點點化清淚。

泛清波摘遍

乙丑夏日游洞庭西山南抵石公放棹消夏灣相羊荷花間翠蓋紅衣目迷心醉客請度新聲賦之醉折花枝倚聲成句

帆飛山脚棹倚湖心。迎面嫩涼生。白紵垂楊影裏。煙珮

霞裳蔽無路。凌波去。千重綠影。一曲紅情。香繞鴛鴦雙
宿處。半醉推篷。不信人閒有煩暑。遠懷古。回望七十
二峰。縹緲水雲花霧。故國離宮。夢冷但餘鷗鷺。夕陽暮
林外。又咽晚蟬。西風易愁南浦。且覓浣紗舊侶。傍花同
住。

元令

春日同陸東蘿吳禮堂散步晴郊賦此志興
用賀方回韻

旖旎風光南陌好。絲楊低掃。春色今年早。映曲曲青溪。
幾樹花含笑。遙指鈿閣珠樓。紅亞迴闌小。正錦屏妝曉。
花事年年晴意少。東風易老。流水愁雲杳。問轆轤車
塵。歷徧長安道。誰似閒地閒人。信步尋春到。醉一堤芳

草。

聲聲慢

落花聲

蛛絲乍罥燕翦頻捎綠窗幽夢初醒便覺魂銷聽來渾
不分明年年暮春消息慣無端送滿春城悠揚處笑游
魚誤惹宿鳥空驚惆悵闌紅絃管記畫廊催鼓繡幙
藏鈴芳信無多已聞簌簌飛英東君也知憐惜向風前
譜出離情愁未了又枝頭啼到亂鶯

戀繡衾

垂楊空裊綠萬條繫難留江畔去撓又多少相思恨被
東風吹上露桃粉奩脂盞無心理看啼痕盈袖未銷

倩今夜梨花夢趁殘紅飛過畫橋

謁金門

垂楊碧一片濃煙如滴綠意迷雲芳草色杜鵑聲漸急
過了清明寒食難問天涯消息飛盡千紅春寂寂東
風無氣力

金錯刀

飲蘭水榭觀荷聽隔牆度曲

芳靄薄好風柔參差碧玉度高樓曲中可是歌無悶花
下空教憶莫愁香氣冷水聲幽瑤天畫出碧雲秋不
知螺黛曾顰否片片紅衣點渡頭

大酺

春怨用周密體

又鷓鴣啼蝴蝶舞深鎖閒庭新綠亂花紅一桁聽鶯朝
燕晚訴愁成曲酒冷瑤尊塵昏玉鏡蕙炷誰添簫局朱
門無人到但疎林風動碎鈴相觸歎織綳鴛鴦合歡牀
上被池孤宿傷心春去速歲華似雲影遙空逐漫自
憶翦紅深院拾翠芳郊繡叢曾共調絲竹夢繞楚臺遠
問何處醉春雙玉况還是更籌促長宵無寐銷盡銅盤
銀燭替人淚珠簌簌

汪秉健

字小逸錢塘人
官廣東知縣

柳初新

湖上新柳

湖堤十里煙如織漸逗露春消息眼波猶倦眉痕尙淺

試鬪舞腰無力。纔眠起。段家橋側。一絲絲、鵝兒顏色。

轉瞬。參差弄碧。瀟陵秋。易成陳跡。嬌花含蕊。雛鶯學語。依舊水亭山驛。奈少婦、新愁縈積。上朱樓、靚妝相憶。

朱紫貴

字立齋長興人貢生官杭州訓導有楓江漁唱詞

虞美人

秋雨

寂寥庭院重門閉。翠地簾痕膩。感秋人在雨聲中。葉葉怨梧啼碧。顫西風。疎疎密密飄無定。添作深宵冷。有誰聽徹未。明天一樣香消燭暗不成眠。

瑣窗寒

題湯漱玉夫人寒閨病趣圖

鏡檻春濃。簫樓月滿。咒桃仙侶。雙肩笑比。那有牽蘿愁。

緒算情天罡風便吹料難到得棲鸞樹甚舊時院落輕
寒如水翠簾深護朝暮扃朱戶又幾度清霜幾番疏
雨修蛾嬾畫負了檀郎妍譜但零星閒話夜窗玉梅俊
約憐夢阻待何年采藥名山對挽柴車去

高陽臺

汪又村以河東君妝鏡索題背銘有官看
巾帽整妾映點妝成句

額角塗黃眉彎寫翠一規曾閱滄桑紅豆花殘荒寒拂
水山莊容成未省銅仙恨照歡顏那照愁腸鎮團團滿
月臨池無恙清光傷心千古艱難事甚蛾眉晚節獨
自流芳鑄錯何人偏教鬢點秋霜可憐巾帽隨時換展
瑤籤還怕羞郎漫銷魂粉印脂痕占斷柔鄉

齊天樂

高榜仙將赴南溪尉任出楓江話別圖爲述此解

大江東下君西上天涯又紫離思酒載吳船詩編蜀道
三峽啼猿聲裏清時宦味儘官閣看山了無塵事曲水
平橋最憐揮手舊珂里芙蓉塘畔甲第記林泉選勝
容與文史夜雨聯牀春風攜艇我亦曾陪裙屐零襟斷
袂有如雪楊花替人垂淚待話相思綠波傳素鯉

何其章

字小山青浦人監生有七倫草堂詞

蝶戀花

送春用朱淑真韻

一寸柔腸愁萬縷才得春來又送春歸去借問東風和
柳絮捲將春色歸何處爭奈枝頭雙杜宇聽到聲聲

只是添淒楚。告訴落花。花不語。西樓日暮。瀟瀟雨。

摸魚兒

葉桐君學博將舉。怕園詞課。倚聲代柬。

最怕園水雲相近。嬾漁曾署。漁舫藕花香裏。聯吟袖。簾捲篆烟輕颺。天氣爽。儘減字偷聲。佳句同心賞。簫盃試仿正。薄暑林泉嫩涼。亭榭露坐。酌新釀。消長夏。疎柳鳴蟬。景况憑闌時。伫瑤想。江南好句。才人筆題滿畫廊。詩障吾敢讓。請學繡文鴛。乞取雙飛樣。金荃嗣響更短。梓松陵烟波十四付與。小紅唱。

吳

錦

字貞生
長洲人

解連環

浴佛日集同人餞春

遙空雲繞灑楊枝
法雨陌塵洗了煙
樹外低裊游絲儘
冒綠牽紅駐春多
少雙髻青青算買
玉量珠須早縱春
空舍衛散盡天花
佛也愁老金尊自
澆瘦島況酒龍
詩虎俱是同調把
黃金鑄就詞魂看
手炷沈檀暗譜鴛
稿天樣閒愁總寫
到闌干都好更關
心玫瑰乍放櫻桃
還小

章光

字君繡長洲人諸生

惜餘春慢

浴佛日戈君順卿邀作餞春讌

浪雨黏紅癡煙暈綠待
到晴時春老餘寒更劇
酒向愁腸翻怪碧瑤杯
小詞社尋芳未闌無限
吟魂一般花惱

祝慈雲濃覆楊枝且把短亭遮了聽羯鼓過向屏風
聲聲如雨催落酴醾多少青精飯熟榆莢錢堆不負者
回懷抱量得新愁舊愁都付濤箋暫時揮掃恨歸來客
散江干彌望青青芳草

張泰初

字安甫錢塘人
諸生有松溪詞

蝶戀花

夢中忘卻天涯遠軟語分明當作相思券偏是夜長歡
夢短醒來猶覺寒衾暖愁對殘燈燈不管雨雨風風
并與愁相亂待到五更更漏轉可憐夢去無人伴

長亭怨

車簾

且商略行箱安穩好夢依人怕他風信隔斷紅塵閉如
新婦倦難忍薄綿裝好渾不似天涯近縱不是天涯恐
捲起嚴寒徐引愁損隔晨光不見只聽一鞭催緊何
如綺陌有纖月教人來認也不管望眼模糊總藏著離
愁離恨到野店荒村慢揭一重頻問

西子妝

秋霽與同人期於湖上遂偕遊鳳林寺歸舟賦此

秋水橫波秋花彈葉但與秋心相稱行吟繞徧白沙堤
畫廊西有人閒等闌干靠冷記前度香肩曾並暢幽懷
問斷橋詩思輕鷗能省涼風警柳外斜陽照透玲瓏
影疏鐘引客入招提聽泉聲又尋幽徑微雲作暝慢攜

手歸呼漁艇話游踪要倩詩禪共領

沈宗約

字鶴坪鎮洋人貢生
官訓導有潭影軒詞

高陽臺

讀張孟緹夫人詩詞率賦是解

松節香濃棗心彩豔拈來著手輕圓不櫛書生欲將鐵
硯磨穿經神選學承庭訓閉深閨好作詩仙誦新篇氣
馥如蘭品潔如蓮 湖山勝景羅胸臆任眉侵冷月鬢
掠疎煙梁孟聯吟天成翰墨良緣一家都擅生花管聚
同懷競豔爭妍漫悵然心似閒鷗身似涼蟬

吳

棡

字墨仙涇縣人官江
津知縣有課花軒詞

山花子

長長香雲壓翠翹盈盈玉頰暈紅潮記起昨宵鴛夢好
暗魂銷蕉葉染成無賴碧海棠開到可憐嬌只爲惜
春眠未得恨迢迢

滿庭芳

酒帘

樓角斜飄簷牙半露幾番捲起炊煙有時風靜端正一
竿懸比似麴車更甚遙看處早已情牽行沽去何須借
問亞樹夕陽偏堪憐最好是杏花開候春暖江天傍
水邨山郭做弄輕妍招引踏青人至同認取孤影翩翩
只休教朦朧醉眼錯認燕飛前

鄭

梁字敦甫吳縣人
官京山典史

浣溪紗

陪周芸皋太守修禊高陽池

風送花香入酒卮，綠陽亭館夕陽時。
有人曾著接羅歸，池上乍開蝴蝶會。
座中誰唱鷓鴣詞，此情惟有好春知。

汪奏雲

字今韓金山人貢生

蝶戀花

江上還尋芳草路，綠水紅橋，半是曾游處。
深院沈沈人不語，枝頭漸見飄香絮。
開罷牡丹無意緒，縱有垂楊，難綰愁千縷。
燕子未歸春又暮，重門聽盡瀟瀟雨。

梁

梅

字子春順德人貢生有寒木齋詩附詞

探春

友人簡約賞花先此奉答

風信關心花朝屈指尋芳遙遞瓊簡鶯戶絃詩蝶闌譜
笛許我嫣紅飫眼春網鰕魚肥早釀得梨花盈盞拚將
蠟屐攜來瑤階踏損苔蘚惆悵勝游多蹇負卵色三
分水雲都嬾閣鵲新烟簾篩碎月夢倘能來今晚愁緒
攪東風驀送到名園歌板更約流觴落英容易吹滿

潘

谿字誨叔會稽人有
少白詩文集附詞

相見歡

淒淒暮雨圍亭峭寒生流水落花春去太無情終日
醉終宵睡有時醒一點一更簷滴怎生聽

醉太平

空階月明風聲葉聲小庭寂寂門扃知殘宵幾更孤
吟自聽孤觴自傾醉來倒觸風屏竟無人喚醒

滿宮花

晚晴天風又起紅滿綠溪春水小童沽酒不曾歸減卻
半園桃李少年狂今倦矣剩有惜花情意年年寒食
鎮無聊愁醒又還愁醉

汪鎮光

字星石
桐城人

暗香

題聽香館畫蘭遺蹟

餘香漸寂頰銀箋玉版菲菲長襲並蒂同心好佩蓮花

舊詞客想見瑤窗乍啟爲營就寒香吟國那料是石畔
幽枝含玉露悽惻 珍惜意脈脈歎九畹騷魂怎生招
得湘波遠隔空憶天涯縹緲碧除是歸來月下梅影裏
重尋仙跡又卻恐蘭質小不堪再謫

金登瀛

字偉甫
江甯人

滿庭芳

且去填詞多回招譜此中消息誰憐霓裳曲好無由奏
共群仙枉負粲花妙舌生花管寫徧銀箋揮灑處銀釭
蟲綴涼夜照孤眠 孤眠儘無寐又從客裏催換華年
有紅香墜地綠絮漫天分付瘦毫五色拚教我吟瘦愁

肩添惆悵一腔哀怨淒斷夕陽天

曹

炳

字小梅
元和人

洞仙歌

題戈順卿翠薇詞

花前岸幘寄幽情芳草倚徧笙簫盡高調料年來聽向
風雪旗亭應有箇解唱雙鬟妍好翠薇花影裏一抹
春陰只恐丹青畫難到風月伴琴樽對酒高歌揮灑處
歡情偏少想幾度看花總傷心任拍損紅牙難舒愁抱

徐鳳采

字蘋洲
崑山人

浣溪紗

題戈順卿詞

譜出新聲託素琴三生綺夢四愁吟白雲飛滿舊羅襟

醉月香憐橫體玉評花絲繡壓閨金芭蕉卷雨美人
心

徐尙之

字玉臺
吳縣人

浪淘沙

秦淮水榭夜坐

澹影月籠紗一縷煙遮舊時楊柳舞腰斜簾底玉簫聲
漸遠夢斷鄰家倚檻數歸鴉兩岸琵琶可憐流水感
年華紅樹碧雲人不見何處天涯

金旺華

字子春全
椒人諸生

眞珠簾

題王暢夫學博偕夫人曹墨琴合書乞紙
書卷先曾見桃花源記亦夫人書

彩箋曾讀桃源記小窗紗重見簪花仙字柔翰絳唇含

喚衛夫人起顰眼親研蛾子綠卻手浣蜀江春水誰似
似清曉芙蓉露珠收未遙想靜裏拈毫恰瓊鈎響絕
寶鑪煙細分影到鷗波慣玉臺肩比見說京華同弄筆
爲換取澄心堂紙應悔悔名掩蘭亭右軍夫壻

姚齊宋

字古愚昭文人諸生
有狎鷗軒剩稿附詞

如夢令

波漾萍紋如靛新柳斜拖金線淡迤夕陽天無賴東風
撲面雙燕雙燕憶否去年曾見

百字令

白雲莊賞牡丹分賦

名花如錦有主人載酒曲闌干下裙屐招邀多俊侶爭

把豔情陶寫碧色侵袍紅香壓帽不飲奚爲者車茵汗
徧寄聲鸚鵡休罵 恰好對擘蠻箋平分險韻佳句如
珠瀉詩不成時循例罰金谷尊疊須把擊鉢頻催舉觴
相屬繼軌西園雅狂游秉燭麗譙更鼓遲打

國朝詞綜補卷三十六

無錫丁紹儀杏舫輯

葉珪 一首

許廷誥 一首

許景誥 三首

沈廷炤 六首
補詞

馮承輝 二首
補詞

謝堃 三首

王曦 五首
補詞

陸容 九首

鄭掄元 三首

嚴冠 一首

胡咸臨 一首
補詞

吳震 五首
補詞

沈採晉 一首

祁子瑞 一首

黃富民 一首

周僖 十一首

余

鼎

四首補詞

陳

行

二首補詞

蕭

馨

一首補詞

葉

珪

字桐君江蘇華亭人官教諭有嬾漁詞

金縷曲

寄張詩船方伯蘭州次姚春木夏字韻

春草生邊野送君行那株楊柳繫船其下殘菊款冬荷
已豔豈但天桃易嫁曾兩過山莊如畫聞說雙旌懸漢
月控黃河第一橋頭馬清角起壯心寫江鄉罷了消
寒社并怡園鶯慵蝶倦足音登也想見籌邊樓徙倚別
有露臺風榭挈勝侶宴游清夜潑墨平原圖雪獵偕季
方作賦登高者道懷想歷冬夏

許廷誥

字伯緘昭文人
官江西縣丞

六州歌頭

題饒州餘干縣康郎山三十六忠臣廟
廟祀明初丁普郎等皆從征陳友諒戰
歿鄱陽湖者庭有老槐曾蔽帝身受箭
無算亦封將軍今孫枝已數抱矣

滄波滾滾嗚咽似難平尋古廟荒山麓
隱虬精陣雲腥
前代忠臣祀比肩坐兄弟列弓刀肅
鬚眉聳氣崢嶸傳
說當年片雲風雲合樓櫓縱橫看楚人
一炬煙燼未銷
兵效死齊心結冠纓偶真龍困沐猴
喜戈掩月箭飛
星反風戰湖水赤縛長鯨告功成弔
問將軍骨排雪浪
辨分明論爵賞俱三等死猶生者算
男兒事業轟天起
六六英旌借湖光山色落日助悲聲
大樹封應

許

字筱雨
山人諸生

滿江紅

送邵蘭風之河間幕

燕市樓高鎖不住離愁如織怪草草斑駁嘶處相留無
策聽到鄉音人漸少斟來別酒杯難熱便今宵千萬閨
更籌憐何益臨歧語休於邑依人味今初識想登樓
作賦定勞詞筆豪素頗因羈客寄駒陰好為高堂惜莫
等閒頻上廣川臺傷飄泊

臨江仙

不分消魂橋宛轉橋邊偏是長亭一鈎送別月如銀零
星含淚語商畧到他生聽雨聽風全未慣那禁九派

河聲憑誰繪取此時情愁波千丈濶中有兩浮萍

齊天樂

送袁蘭村之官揚州

春明門外天涯路亂紅風送如雨燕子銜愁柳綿堆恨
一檄催君捧去爲君眉舞愛十里雷塘六朝香土綠近
倉山家園只隔半江樹才人官此有幾只重來杜牧
堪對旗鼓捲上珠簾細量明月定有懷人新句歌翻金
縷可還念飄零金臺舊侶覓得雙魚尺書頻寄與

沈廷昭

字芷橋長洲人諸生有蘅夢樓詞

水龍吟

粉撲

麝塵碎疊紅綿月規樣小雲同暖相依黛硯鎮隨珠盒

拈來香軟，愛絲輕注，嫌鬢淺羞教人見。趁蘭湯試後，
髓光欲凝，勾勾了春風面。最憶紅窗放翦，裏紅霞夜
深針線。晨妝新竟，斷紅越顯，鏡中春滿，略避脣朱曲留
眉翠端相教。偏更慵來梨頰嬌，濃易損小鬟重喚。

天香

藥銚

鎮迺刀圭，因依藥裹，周旋病榻。昏曉冷自含辛，暖仍抱
苦就裏，調停難了。煎熬儘耐，略比似愁心，暗攪注水頻
占候。火擎來幾勞纖爪，殘宵沸鑪聲，悄驗溫涼，煮愁
欲老。長物無多，命已長饒，託早卻怎幽憂能療。算滋味
閒中，徧嘗到分少。元霜搗他細搗。

菩薩蠻

雙燕圖

年時見爾深深苑。柳昏花暝歸飛倦。留爾看梳頭。朝光
晃盡樓。重來春已遠。簾也無人捲。憑爾訴春愁。花陰
閒玉鉤。

南柯子

楊柳初三月。梨花昨夜風。夕陽移過畫闌紅。腸斷斷無
人處。舊簾櫳。蕙徑迷裙衩。苔階歇屐弓。楊花無語忒
惺忪。剛被游絲攔住。攬晴空。

端正好

寫蠟梅一枝寄潘紱庭京師

銀蟾移上屏山半。倚瘦影、偏教金染。一枝好在江南看。

試細數。檀心展。春風我正思人面。問磬口、含情深淺。
蠟珠墮淚分明見。記話別、魚更轉。

齊天樂

題秋館聽潮圖

商飈先入江頭樹。刁騷已盈清聽。月墮空煙，潮迴極浦。
滾滾更傳秋信。鄉心易警。算咫尺家山，歸仍難準。并入
長宵，羈人剗枕鎮常醒。年來也同泛梗，孤舟聞斷雁。
沙嘴頻等轉。眼煙雲過江人物，那分此聲。淘盡臨流試
問便擊楫乘風阿誰先。證俊氣銷除披圖還自省。

馮承輝

字少眉，婁縣人。
有古鐵齋詞。

望海潮

海鏡樓望海和黃研北韻

蒼蒼山杳濛濛雲疊當空萬里秋懸鵬擊幾尋丹浮一
粟滄波盪漾無邊潮汐暗推遷念揚塵何日復變桑田
我欲乘桴手捫星斗半天寒 芒芒水色長天認洪濤
盡處一抹蒼煙重譯遠來扶桑遙接銀潢是否相連宇
宙望中寬問蓬萊縹緲可有神仙目極情移渾忘倚暖
碧闌干

摸魚兒

黃研北以葉桐君司鐸松陵念其怡園所
藝菊因買舟運往並賸以詞次韻奉和

觀楓江幾叢霜蕊陡看籬下開處家鄉亦有延秋圃誰
與載將秋去催雁櫓正倒影波心誤惹羣鷗舞將花伴
汝儘弟子寒瓊先生講幄莫厭冷齋苦 蕭閒甚呼起

柴桑共語東山依舊延伫斜陽孤倚如人淡皮陸定來
爲伍情一縷裊陣陣西風細向詩心鑄商量勝趣且架
竹扶枝題籤品豔重訂范村譜

謝

塋

字佩和甘泉人
諸生有春草詞

一萼紅

步花陰繞紅闌幾曲簾影晝沈沈桂蕊飄香雁聲當戶
無端寫出愁心早應是清霜送冷響西風腸斷數聲砧
丹鳳城遙青鸞信杳歡夢難尋 回憶初逢乍識便笑
猜紅豆醉倚青琴月下銀鈎風前弄玉挑燈幾度聯吟
豈料量經年經歲短長宵獨自擁香衾怎禁暗風吹雨

階樹蕭森

齊天樂

書春怨圖後

妒花風又摧花雨惜花易爲

平聲

春誤絮早沾泥英偏墮

溷聽取海棠深處斑鳩訴苦怪繡閣珠簾彩幡空護檻

倚闌憑幾多愁在翠眉聚

斜陽芳草古渡歎劉郎去

後迷了歸路病葉攢空柔條貼地淚溼香紈無數關山

修阻望不見天涯幾重雲樹一枕殘紅夢隨蝴蝶去

揚州慢

咏懷邗江古跡得十三樓

嬾嬾婷婷香含菰蕊是誰取意名樓對青青陌上柳色
翠交眸倚闌見斜陽影裏乍明還暗芳草牽愁似東風

有意蛛絲吹傍簾鉤 故人書札說煙花三月歸舟把
一葉孤帆連宵望斷江水空流試問爲誰憔悴早拋了
脂盞香篝又東園花落紛紛紅雨難收

王

曦

字季旭太倉人
諸生有鹿門詞

踏莎行

梁家淺題壁

樹杪風嘶窗前月透一尊誰伴離人酒近來愁緒更堪
憐影兒也比當時瘦 春意都闌春情非舊迢迢又聽
征程漏今宵有夢更如何不如和夢都無有

雙雙燕

本意私內子若綺

年華似此恁春去秋來半生行客雙棲甚處簾外幾番

曾覓細數天涯踪跡怕悞了江南草碧傷心剛自營巢
又撇芹泥香壁 小立芳塵紫陌算倦羽纔停有誰相
識斜陽山外看徧九秋鴻翼漫問歸來消息恐歸路煙
闌雲嶺空教蹴盡紅英日日帶愁堆積

三姝媚

疎櫺深坐處正沈沈春陰綿綿春雨舊日歡場怕思量
添上此時愁緒玉宇瓊樓似夢裏曾經來去看徧群葩
絕世丰姿恁時重遇 驚見尋芳儔侶是姑射前身蓬
壺仙部記否相逢曳輕裾同學霓裳新舞謫向塵寰怎
便覺情懷如許且醉尊前明月清歌細譜

翠樓吟 爲張仲遠題綠天秋意圖

露染苔青雲凝草碧深深綠陰庭院牽情秋一縷算都
被蟲聲吟斷西風不管牘幾點幽花和誰繾綣春光遠
秋期難道比春還短 爲問窗外芭蕉怎層層展盡又
層層捲繁華曾淨洗怕飛上輕塵難浣晚涼風軟恰對
此清幽懷人天畔舊遊伴月輪同照一身香滿

南浦 春柳

倩影弄璣璣漾晴空陌上翠雲凝積夾岸水紋平斜橋
外靜寫一彎眉碧年時愁緒長條跪地還如昔算是東
皇吹徧也肯誤好春顏色 爲誰細舞腰肢恁銷魂空

謝征塵行客幾度欲成綿飄零處怕似落紅難覓曉風
纔過游絲還共煙絲織多少柔情眠更起消受幾番岑
寂

陸 容

字蓉鏡陽湖人
諸生有巢睫詞

菩薩蠻

畫屏曉暮煙痕溼海棠著雨嬌無力蝴蝶上簾鉤花飛
絲滿樓 腰纖羅帶緩竟日凝妝嬾何處鶉鴝聲驚殘
春夢輕

清平樂

夢回何處依約淩波步乍合又離花似霧一霎斷雲零

雨迢迢清漏偏長宮絲瘦脫鴛鴦拚得腰圍如許銷魂不是東陽

減字木蘭花

畫屏無睡未飲葡萄心已醉月暗鐘殘一樣雙星兩地看愁濃如海天上相思猶易慰江水綿綿說到歸期不計年

蝶戀花

小鳳盈盈年十五不解憐人便是憐人處珠箔飄燈人自去綠楊影裏家家雨花影如潮流不住春老鶯酣愁向眉峰聚待約蒨裙芳草渡愁過昨夜秋千路

祝英臺近

豆花黃桐葉綠池影皺新穀梁燕歸遲簷際掠蝙蝠枉
猜戶外誰來飛蛾飄瞥那更把燈花吹落杏衫薄溼
瑩閃過屏閒齊紈嬾頻撲潤逼桃笙微雨入簾幙問他
秋到誰家帶愁去否又怎奈秋心易觸

珍珠簾

嫣然一笑渾無語拂菱花畫出遠山眉嫵滿院落紅深
做曉來微雨生怕簾開香易燼卻待倩好風留住且住
看心字鸞環裊成千縷漫道骨瘦香桃似漢家飛燕
淩風欲舉幽恨付琵琶唱梁州新序試看梁塵飄簸簸

念願曲周郎何處無處問紅豆拈來拋殘幾許

探春慢

趙雲友攜蟹至汪逸雲齋頭招同人雅集時余將有東魯之行賦此誌別

水宿蓮塘煙霏桐井秋風暗轉庭戶彩筆重拈金荷共
倒爭執柘枝起舞念人生難得是有蟹無監州處不須
菊采東籬此會儘堪千古此後雁南燕北便各自分
飛天涯羈旅燭淚千絲酒腸百折知有幾宵相聚韶惆
江南路又催送一帆煙雨不醉休歸我正欲行還住

西子妝

秋夜

簷際橫杓筍中棄扇秋意初尋梧院桃笙如水夜如年
更長天兔華如練荷衣舞倦有幾許流螢低閃正徘徊

忽被風扶起飄來水殿 雲片片掩映銀河不放天孫
現暗香斷續泣黃花怕明朝雨淩霜踐剔殘紅燄早聽
到漏沈銀箭卸雲翹留得殘妝半面

木蘭花慢

游絲

是誰從空際把殘錦撚成絲好綰住花魂牽回蝶夢經
就驚魂收將十分春色只憑他一縷繫相思怪底似無
還有幾番欲卽仍離 淒迷絮影太紛披休道不如伊
儘香篆低縈簾收徐颺沒箇人知慢猜天孫織罷浣雲
綃誤灑出天池祇恐柔情易斷好風且莫輕吹

鄭掄元

字善長以字行歙縣人諸生有字橋詞



八聲甘州

漸香篝餘燼冷羅衾簾捲對秋陰悵芙蓉已老西風不
管獨自沈吟可惜斷紅雙臉只是淚痕深細憶遼陽夢
恨煞蘭砧十二闌干倚徧早霜花抱信又到疎林看
亭泉落葉片片是秋心怕天涯幾經搖落向雪關風渡
更難禁怎倩得征鴻爲我寄與芳音

高陽臺

柳

暮雨催眠朝風催起絲絲綰住春愁纔近清明又還伴
我登樓平蕪一片斜陽影問韶光何處勾留怎憑他蘸
盡流波送盡行舟當年繫馬江南路正歌臺月暗舞

樹煙稠纖手而今攀來可記溫柔縱教吹遍天涯絮怕
重來錯認簾鉤便拚他過了殘春又是殘秋

疎影 殘荷

芳塘曲處看翠雲憔悴收盡殘暑記得羅衣水上頻前
嬌鬢一時相妒而今一片煙波冷只賸得雙雙鷗鷺知
恁時越女還來空憶採蓮前度眼底紅芳嫁盡但枯
蘆歷亂堪訴愁苦卷向薰風圻向西風消受斜陽無數
曉來清露憐儂甚正無奈盤心非故只看他鉛淚難收
灑作一池煙雨

嚴

冠

字四香仁和人諸
生有茶壽庵詞

詞

月司示青卷三二

釵頭鳳

紅酥手青茗帚斜陽小徑閒行偶眉成結聲偏咽幾多
心事欲從君說吃吃吃 瑤釵溜瓊枝瘦回頭又怕人
來驟羅裙窄飛如蝶長廊影裏低蟬欲沒急急急

胡咸臨

字吉甫嘉興人
諸生有炙硯詞

南浦

春水用張玉田韻

江上雪初消漸東風作意鄰鄰吹曉一片漾空明瑩如
鏡不信鏡塵難掃縈青漲碧斷無人處橫橋小無賴桃
花容易落紅雨亂迷汀草 絕憐才盡江淹只春生南
浦離情未了時節又滿裙懷人夢難並閒鷗流到煙波

浩渺竹枝聲裏魚龍悄誰共扁舟天上坐浣得新愁多
少

吳

震

字壽芝常熟人諸生有拜雲閣詞

淒涼犯

落花盡矣春光可憐感述此調

昨宵聽徹瀟瀟雨驚回香夢無跡倚闌望久春歸甚處
倦飛幽蝶庭孤徑寂但芳草萋萋翠積算人閒一坏恨
土千古此消滅都是傷心事獨對東風爲誰淒咽舊
巢燕補儘銜來替人憐惜袖拂襟黏祇衣上餘芬未歇
甚年年流水淨洗賸暗碧

角招

丙夜邀許丈小漁同放扁舟侵曉至華漚觀荷種花人架木若舫閣兩樹間相守望也

破清曉。渾不辨。濛濛盡似煙草。御風臨浩渺。載得水雲。
飛度林杪。不愁路繞。有一片。疏香先導。何事驚將夢覺。
去。應被卅六鴛鴦。怪尋詩人早。還笑。種花溪老。將巢
寄樹。如我扁舟小。儘先明月到。豫託吟蟬。頻將秋報。重
來定好。待和月。同穿深窈。屈指圓時正。杳。且商略。醉今
宵。遲歸棹。

水龍吟 秋海棠

不知多少相思小。名提起腸先斷。隔簾搖影。低遮翠袖。
似羞人見。一縷酸香。三生薄命。十分哀豔。記苔深徑悄。
亭亭竝立。無人處。都尋徧。已是宵長。睡短。况聲聲砌。

蛩頻喚本來淚化可堪還把露珠洗面病入秋心不勝
消瘦爲誰含怨怨花開容易飄零最苦被西風管

解連環 張麗華鏡

儘消金粉尙依然未缺桂宮圓暈想靚妝結綺樓頭慣
剔翠分眉翦紅扶鬢膝上矜持定窺箇風流人並愛摩
挲背面小字簪花篆銘堪認繁華可憐夢醒自瓊魂
化去一片秋冷伴夜來璧月明明也曾見南朝舊山河
影溼浸藍波甚不共青溪流恨賸殘脂豔痕沁入那時
廢井

永遇樂 渡江

一二千年消沈不盡今古如此名士旌旗美人金鼓都
在潮聲裏青山北固寒流東下一片夕陽西逝擲輕帆
長風竟渡望中不辨雲水兩回南渡可憐陳跡只有
石城高峙遠控荆襄俯臨淮甸百戰興亡地人言深夜
此中碧血尙挾怒濤飛起橫孤笛船頭酹酒斷蓬醉倚
沈垞晉字錢田歸安人諸生
陌上花戊寅下第後作

傳來一紙魂銷頃刻秋風過了舊侶新儔半屬蘭臺蓬
島升沈異數如斯也漫誚淩雲才藻憶挑燈昨夜並頭
紅蕊賺人多少愧年來漸江淹才退五度青衫淚繞

桂馥年年只恐嫦娥易老清歌一曲憑誰訴惹得高堂
煩惱夢初回窗外芭蕉夜雨聲聲到曉

祁子瑞

字虛白
興縣人

摸魚兒

葉桐君學博攝篆吳江黃丈研北運菊以
贈囑繪載菊圖賦詞同致卽次原韻

漫評量廣文瓊冷萬花依舊圍處羅含不負秋風約催
上木蘭舟去攜短櫓盪一碧天光鏡裏神飛舞渾忘爾
汝儘傲骨撐持閒心領會形影共甘苦煙波遠網得
西施笑語雪灘灘外凝伫後堂絲竹歡彌暢同作葛天
儔伍情縷縷怕錯折腰支璆鐵難爲鑄無邊野趣看閒
字車停采香人到籬下訂新譜

黃富民

字小田當塗人官

金縷曲

乙巳小春攜子就婚松郡下榻葉桐君怡園極聚讌之樂賦此誌謝

千里風帆颺忽青青泖峰三九落吾指掌未了向平婚
嫁事且把近游興壯况假館林泉幽爽萬朵黃花舒晚
豔謝先生清福分儂享秋一枕夢都暢故人好在都
無恙是當年軟紅塵海詩朋酒黨更喜重參山谷叟壽
佛一尊無量記束髮曾依絳帳舊侶新儔漁唱答借天
緣萍聚申江上圖雅集嬾漁舫

周

儔

字東侯鎮洋人諸生有蘭藻堂樂府

滿宮花

珠斗稀天似水蓮漏一聲初起水晶簾裏影雙雙月也
替人歡喜落花飛香旖旎春色半銷紅淚東風不捲
畫樓春人倚玉欄方醉

浣溪紗

睡起心情事事慵夾衣纔試兩三重雙鴛停繡半邊紅
洗硯偶承梧葉雨掃花還倩藕絲風闌干尋徧隔年
蹤

側犯

繡毬花

素葩晚發碎瓊結就聯環玦奇絕問怎極玲瓏費鐫刻
無緣插上鬢空抱孤芳潔休折怕破却團團散瑤屑

紅樓繡倦。一笑停針說。猜不到。萬梅花。攢簇化春月。怪
煞明朝。東風碎擲。寂寂空枝誤他棲蝶。

探芳信

倦遊客。暫載酒尋芳。芳華又歇。歎鬢絲如許。何堪聽鶉
鴉。出山雲。受西湖笑。雲豈無心。出漫隨風一縷。還山舊
客都失。空自浩歌發。任蛾翠分春鏡。奩邀月。癡絕嬌
鶯未解。訴愁絕。只餘蘓小墳邊柳。欲折還停。折算依依
獨替東風淚咽。

梅子黃時雨

城西憶弟

雙槳夷猶。載雲氣半船。飛過林杪。便喚醒眠鷗。破帆衝

曉。迎面芙蓉飄冷翠。髻鬟倒浸菱花小。山如笑。重認舊
遊。非復年少。清悄。無人同到。但楊絲戀雨。花影難掃。
且醉倚篷窗。從容歌歎。江上誰家吹玉簫。一聲聲。勸東
風老。東風老。又添暮愁多少。

水龍吟

青蓮花

滿湖都是秋烟。冷香不辨來時路。蒼茫破曉。看花疑葉。
花無尋處。宛在中流。一奩清豔。一枝風露。歎禪心未證。
詩仙偶謫。誰憐汝。嬌如訴。莫訴吳宮舊怨。洗紅妝暗。
傳心素。有人似爾。舞腰初墜。玉容愁楚。渺渺相思。采江
難寄。碧雲空賦。賸西風捲後。遙山倒影。翠添無數。

雲僊引

暮雲和程醒雨

翦不成絲裁還似錦山腰抹處微紅三分澹二分濃斜
拖一分雨意遠挂林梢如斷虹驚起素娥髻鬟整扶
出蟾宮迎風搖蕩晴空但句我相思千萬重舊篋環
衣隔年巫夢往事朦朧便化蠻箋儘書恨字縱有魚鱗
何處通不堪持寄只憑新句寄向江東

浪淘沙

仿宋子京體

舊遊記省櫻桃門徑燕鶯不解春風恨甚而今耐得夢
冷香冷衾冷輕衫幾點殘妝粉啼蹤堪認無端欲染
蕭蕭鬢伴宵吟但月影花影簾影

徵招

予家楊林東渡數武爲雙林寺鴨脚二株參天拂雲暑遊絕快自賦索居不能無懷

不須重探雲深處此閒萬塵都掃樹老鑠禪關約秋光
偏早結廬人境悄儘容我危樓舒嘯石碎苔封窗虛竹
補自然深窈草草壁間詩還堪記當年未刪殘蘂底
事不歸來被吟蟬占了倦遊歡緒少任消盡暮烟殘照
待將恨寄與盟鷗訴夢魂常到

眉嫵

殘月

漸銀河雲澹碧海星稀低挂小樓角入面驚何處相逢
晚依然眉樣重掠畫簾未拓牘半鈎銀蒜閒卻正人在
曲曲晶屏底把愁夢句著行到花梢將落記下階深

拜仙駕填鵲剖散團藥後何堪認鸞環秋影如昨豔痕
瘦削悔那時曾負新約想從此離情楊柳外曉風覺

淒涼犯

德州道中遇雪寄京華故人

垂楊縱解回青眼枯條難縮離別亂山自住行人自去
暮笳寒咽征衣暗裂又一片西風弄雪路蒼茫心隨倦
馬林杪望孤驛回首旗亭醉粉壁邀詩翠尊傾碧故
人念否雁雙飛旋去分南北細數歸期料一樹梅花正
發把相思和夢寄與寄未得

余

鼎字鐵香新進人
諸生有秋夢詞

菩薩蠻

畫簾晚地雲綃薄博山不炷沈檀火終日只顰眉此情
當告誰 瓊簫吹暖絮回首春將去濃露一絲絲綠雲
吹滿枝

祝英臺近

月澹迷煙寂歷幽約到香陌門裏桃花花片落瑤席吹
簫卻倚闌干小紅低唱還留得半簾春色 霎時別但
見寶鴨煙消冷緒不堪說知否雙成此際也相憶憑誰
訴與殷勤心香低篆莫負了夢來時節

齊天樂

雪徑

裊腰曲折銀波瘦門前杳無行客密掩塵茵低遮衰草

換卻淒涼顏色幾回愁絕是斷篠拖黃凍苔融碧多謝
梅花依依遙伴我孤立 天涯音信無準美人修竹畔
空賸禽跡寶馬蹄輕青鞋痕淺舊日芳踪誰識更增悽
惻似糝絮剛濃踏霜初別祇乞春回翠鈿重與拾

摸魚兒

滯菴臺鶯花寥落幾番芳信虛擲愁心欲待刪除盡別
是一般難釋新淚跡和舊日酒痕染徧青衫碧連宵風
雪正紫塞人遙紅牙歌冷香夢惱瑤瑟 迴望處渺渺
雲山千疊相思音信都絕鏡奩縱許窺仙影紅萼未宜
攀折闌畔月應訝我朱顏不似當時色誰家怨笛又吹

暝梅痕驚回雁陣目斷楚天闊

陳行

字小魯仁和人有一窗秋影庵詞

隔溪梅令

庭前竹樹報平安
不安一夜西風吹折雨
三竿缺中來遠山
古人只道出門難
入門難江北江南久作故鄉看
玉門何處關

太常引

答陳月堤

蒲帆十幅掛江干
來倚我危闌耐得一宵寒
便話到燈殘夢殘
入門風月出門煙雨
無意上吟壇
指點與君看楊柳外青青遠山

蕭

馨

字笠仙海
甯人諸生

高陽臺

花朝

如錦韶華如絲情緒東風閒煞鞦韆鸚鵡前頭記曾眉
語流連百花生日今朝又便嬉春懶逐香羈賸相思別
夢難尋恨海難填 商量酹酒爲花壽向畫旛颺處題
徧紅箋綵筆拈來誰憐多病文園同伊撲蝶成前度換
番番淺暖輕寒到而今水自迢迢草自芊綿